



17293

kat. komp.

I

Mag. St. Dr.

P

Vitellii Sacror. Augustae Regni festi-
citas —

PANEG. et VITAR.

Polon.

4^o

M

1114.

Biblioteka Jagiellońska



stdr0003016

A

I

In p

D.

M A

R

S V

Ha

Ex H

A P

In

mp

E

AUGUSTA

REGNI

FÆLICITAS,

In primo Supremæ Maiestatis aditu, & celeberrima inauguratione

Sereniss: & Inuictiss: Monarchæ & Dñi,

D. VLADISLAI IV.

REGIS POLONIÆ,

MAGNI DVCIS LITHVANIÆ,

RVSSIÆ, PRVSSIÆ, MASOVIÆ,

SAMOGITIÆ, LIVONIÆ Q.

Nec non

SVECIAE, GOTHIAE, VANDALIAE,

Hæreditarij REGIS. Electi Magni Ducis MOSCOVIÆ.

Ex Heroicis suæ Maiestatis virtutibus, officioso cultu,
& humili veneratione,

A Professore Eloquentiæ, Foundationis Illustriss: Tylicij Episc: Crac.

In Acad: Crac. IACOBO VITELLIO, Canon: S. Annæ,

CONCINNATA.

Expressa,

Impensis Generosi Dñi. BARTHOLOMÆI NOVODWORSKI,

Equitis Melitenfis, Commendatoris Posnaniensis.

DIVI immortales festinauerunt
virtutes tuas, ad gubernacula
Reipub. quam suscepas, ad-
mouere: precor igitur, vt ti-
bi & per te generi humano
prospera omnia & digna sæ-
culo tuo contingant. *Plinius Ju-
nior Traiano Augusto. lib: 10. Epist: 1.*

17293 I



FÆLI-



FÆLICITAS AUGUSTA.



I quod vnquam post hominum
memoriam tempus fuit, quo
florentissimo isti Regno fælici-
tas, & Diuini numinis benigni-
tas, & Amplissimorum Ord-
inum autoritas, ac Prudentia declarata sit: hoc
profectò Regalibus auspicijs & patriâ fortunâ
consecratum tale est, quo Diuino & humano
consensu, cōmuni orbitati, & publicæ consul-
tum est necessitati. Namq; Sereniss: VLADI-
SLAVS, in quem tot Regnorum spes, tot po-
pulorum studia, nationū vota, incubuerant: il-
le Europæ totius propugnator, Osmani terror,
Moschorum perdomitor, honorificentissimo
lectissimi Senatus Decreto, nobilissimorū Or-
dinum pergrato assensu, in folio auito, atq; pa-
terno, fausta omniū acclamatione collocatus.

O non frustra suscepta bonorum omnium vota, O non vanam exterorum etiam expectationem, quæ cum temporis diuturnitate prorogari potuit; ex hominum autem sensibus, varietate vëtorum popularium in diuersa impellente, non potuit extirpari. Quid est quod aut Patriæ carius, aut Ordinibus Amplissimis optatiùs, aut salutis fortunisq; omnium, etiam exterorum accommodatiùs esse possit. Patria tot incommodis, difficultatibusq; affecta, in Regis Clemētissimi æquitate perfugium habitura, tot Prouinciarum victor Polonus, militarium laborum æstimatorem beneficum, literæ propagatorem munificum, nationes exteræ, quæ oppositu laterum nostrorum, ab hostili arcentur impressione, perpetuum otij & quietis communis propugnatores: Vita deniq; & communes fortunæ, iniuriarum, ac mutuæ offensionis æquisimum cognitorem. Iam nunc mente & cogitatione prospicio, quanta agri vbertate, quantâ vrbes & oppida affluentia, quam pacata omnes prouinciæ tranquillitate, etiam sola Sarmatiæ

matiaē vltima, quali & quanta, à metu hostili
securitate florere, propagari, & conquiescere
debeant. Intellectum est enim in luce & ocu-
lis, cū Senatus Prudentissimi, tū Ordinum
Nobilissimorum, in postulando eo honore, Se-
renissimo ita constitutum ac deliberatum esse,
eo pacto gerendum summum Imperium, quo
vno modo grauitè & liberè geri potest, nec se
ad eam rem vlla ambitione dominandi, dunta-
xat Patriā caritate, aut salutis communis cupi-
ditate, & vna legum tuendarum necessitate in-
duci. Hic est profectò Natalis Regni nostri
dies, quo Sanctissimæ stirpis IAGELLONIÆ
Serenis: Pronepos, non modò hæreditate glo-
riæ, sed etiam factorum imitatione admiran-
dus, vno consensu omnium, communi voce
Ordinum nobilissimorum, vno orbis terræ suf-
fragio, & testimonio, solium auitum, tot po-
pulis iura dicturus, & Regni habenas sæliciter
moderaturus, conscendit. Cū primū Ale-
xander Macedo profligato Dario, oriente sub-
actò, Persepoli in solio Regio confedisset, Co-

rynthius Demaratus amicus paternus præ gaudio collachrymans dixisse fertur : Fraudatos magna voluptate Græcos, qui antequam in Darij folio Alexādrum spectassent vita essent functi. Non mediocri lætitia nobilissimos quosq; in Regno Principes viros caruisse dicam, quibus tantum Regem studijs, & gratulationibus liberi populi sine vlla varietate vniuersi, decoratum intueri non liceat: Cuius fidei, religio, pax, legum autoritas, Reipub. salus, credita & permessa; qui diuinitus hoc motu temporum, hac conuersione rerum, hac omnium perturbatione, huic Regno datus, qui non modò vellet quàm sciret, nec sciret tantum, sed etiam posset, Rempub. tot ærumnis vexatam, ad pristinam vindicare integritatem. Quid enim? Cuius vita omnium periculis arcendis se fortissimè impendisset; libertatem, fortunas communes, ab immanitate hostili defendisset, ab eo voluntates aliquorum vt dissiderent vnquam? tam ingrata cuiusquam extitisset cogitatio, quæ anteaكتورum non tangeretur memoria
tempo-

temporum, eius tot bellis, sacrum caput hostium telis appeteretur, vt essent à quibus dignitas eius in media pace, aut metu proderetur, aut studio contrario post haberetur? Tanti Principis labor, in patriâ salute firmanda integrè versatus, vt eiusdem iudicio fructū nullum consequeretur? Nec verò credibile fuit, vt quæ Serenis: Respub. primò fæliciter aspexisset, cuius meritis amplissimis ornata fuisset, ab eo omnibus studijs prosequendo vt vel leuiter dissentiret. Sed neq; ille supremus omniū moderator Deus, in quo omnia vel maxima adeptus est, tam præclaris cogitationibus, non potuit non fauere, eiusq; de Repub. sensus non secundare. Etenim cum omnium ferè Comitiorum non mediocris æstus, tūm præcipuè Electionis soleat esse maximus: vbi frequentissima, sicut fluctuum, sic volūtatum, & studiorum est permutatio, vbi leuis interdum aura dissipat omnia ac perturbat: vbi quæ de statu suo fluxerunt & dilapsa sunt, priusquàm loco suo & ordini restituantur, quantâ consiliorum & sententiarum varietate

varietate campus ille ferueat, quis ignorat? Hæc autem summo animorum consensu, absq; vllâ interposita partium offensione, ita pacate acta sunt, vt nonnisi Diuinitus de summa Reipub. consulentibus, talis & studiorū, & voluntatum similitudo, effici potuisset. Tām impeditis Reipub. temporibus, cū grauem rerum omnium commutationem non nemo metuebat, quando inclusæ illæ simultates Ciuium, & odia clandestina, quæ in visceribus Regni inhærerent, graui cū discrimine omnium exarsura videbantur: quando hinc limitaneus prædo, inde hæreditarius hostis, magna & aratorum & oppidanorum trepidatione expectabatur: Cū inde nobis summa pax, & tranquillitas reddita sit; venturi boni fidem, hac antecedentium fælicitate metiamur, est necesse. Quocircà non vanus tibi augur, ô Polonia Amplissima venio, antiquam tuam restitutum iri fælicitatem, hoc sapientissimo & fælicissimo Rege inaugurato. Et tametsi de Regum Sacra Maiestate, inquirere liceat nemini, (nam & in vesti-

in vestibulo suo inquirentem, repellit obiecta summæ potestatis veneratio; & qui propius ad tantum splendorem quasi solem adierunt, hebetata & perstricta oculorum acie, videndi facultate caruerunt:) Cum tamen hac festâ totius Regni celebritate, non tam inscientia periculosa, quàm ingratitudo futura fuisset odiosa: quiduis potius de me statui patiar, dummodo ne à publico plausu, & communi prohibear gratulatione. Hoc ipsum Florentissimo Regno ostensurus, quantum ex summis Serenissimi Regis virtutibus, Fortitudine, Prudentia, Sapientia, Fælicitate debeat expectare.

Ac primum maxîma illa virtutum, artiumq; Ciuiliū Fortitudo, quanta in hoc Rege eluxit ignorat nemo, qui ætate non magna, ad grauissimum, & maximè formidolosum bellum, quod cum Moschis gestum est, comes & socius laborum fuit, fortissimo & fælicissimo suo Patri: in quo non alienis præceptis, quàm victorijs perpetuis, non offensionibus belli, quàm triumphis, ad res magnas, pro patria,

B

pro

pro statu Reipub. pro fortunis communibus obeundas erudiretur. Intellexit scilicet non aliter ad supremum istum in Regno honorem, ascensum quàm per ardua bellorum discrimina parari: quocirca iuueniles etiam annos gloria triumphali occupauit. Quis vnquam magnâ fortunâ, & tanta profectus amplitudine, nondùm ætate laboribus & periculis ferendis matura, otium labore, certam securitatem, dubiâ Martis aleâ, domesticam commoditatem, altam pacem, aut illa fortunæ blandimenta, hostili formidine, vitæ periculis, longinquis itineribus commutauit? Tàm insigni fuit indole Serenissimus, cum in grauissima armorum hostilium impetitione, non obscure significaret, quantum apud eum cara incolumitas & dignitas publica valuisset. Admirandum profectò fuit teneritudinem illam, nondùm satis ad euentus omnes firmatam, prompto officio, animo inuictò, castrensibus offerre negotijs: neq; solùm hostilem vim, sed etiam loci, regionis, imbrium, niuium, cæli deniq; inclementioris

ibus
non
em,
imi-
glo-
ma-
ine,
ndis
em,
lita-
ndi-
lon-
igni
a ar-
rè si-
mi-
lum
dum
offi-
ego-
oci,
cle-
ris

mētioris sustinere iniurias. Sustinuit, & omnia
loci aut temporis incommoda, ita inuicto ani-
mo perpeſſus eſt, vt non quod ſibi integrum,
ſed quod patriæ cariffimæ fructuoſum eſſet;
ſpectaret. Quid mihi antiqua Roma, celebran-
dis ſupra modum ſuorum virtutibus nimium
quàm effuſa, aut Tarquinius Priſcum oppo-
net, qui filium annos quatuordecim natum,
quòd hoſtem cecidiſſet, & pro concione lau-
dauit, & bulla aurea prætextaq; tanquam vltra
annos fortem, glorioſè inſigniuit. Aut P. Sci-
pionem Africanum ſupra modum attollet, qui
Patrem ad Ticinum equeſtri prælio, cum An-
nibale pugnantem, & ab hoſtè circumuentum,
ita defendit, vt hoſtis impetū non aliter, quàm
ferro & ſanguine coërceret. Longè maiori
fortitudine Sereniſſimus antecelluit, qui ætate
admodum iuuenili, lectiſſima ſuorum manu,
ad feritatem illam Moſchorum coërcendam
mouit, vt perdomitis perduellibus: Reipub.
dignitatem, & authoritatem in poſterum ſan-
ciret. Regum eſt, pro patria, pro ſalute publi-

ca, contra impetus hostiles se opponere, magno animo à Ciuibus iniuriam, ferrum, & vastitatem à limitibus prohibere, communem sibi cum ceteris belli fortunam, idem vitæ & mortis domicilium deponere, tolerantiam aduersitatum, periculorum contemptu, omnes ad immortalitatem laudis magnopere anteire. Hæc sunt illustria veræ, & solidæ fortitudinis monumenta, quæ pro communi bono, pro Repub. Serenissimus toti orbi, in hostico solo versatus luculenter declarauit. Ex quo effectum est, ut hostes etiam, bello graui & diuturno attriti, quicquid fortuna bellica reliquum fecisset, eius clementia & Protectione conseruandum duxissent: cum Principem vniuersæ gentis suæ designarent, atq; se iureiurando ad fidem præstandam obstringerent. Quid illustrius, quid fama tanti Principis gloriosum magis, non solum ad nostram, sed etiam ad sempiterni nominis memoriam, potuit cuiquam accidere; quàm amentiam illam, nec armis, nec obsessione longiore, nec agrorum vastitate, aut fune-

sta

sta popularium cæde emollitam, tantæ in Re-
ge Serenissimo fortitudinis admiratione, teme-
ritate sua concedere, vrbes recludere, præsidia
armis nudare, nec solùm arma, sed etiam feri-
tatem ponere, totumq; eius permittere pote-
stati: Eius clientelæ suas leges, vrbes, templa,
fortunas, salutem Ciuium, quicquid denique
publicum & priuatum esset, cum supremâ re-
rum omnium potestate dare, rogare etiam, ne
supplices aspernaretur, quos incolumi tanto
Principe, nemini supplices esse oporteret. Per-
uasit hæc latissimè per omnes populos, glorio-
sa fama, designatum Sereniss: VLADISLAVM
Magnum Ducem latissimo & opulentissimo
Imperio: omnes rei nouitate & raritate defixi;
tàm subito potuisse animos diuturna armorum
consuetudine innutritos, pacari, exarmari; ex-
tremâ desperationem, in spem meliorem, perfidi-
am, metum, in fidem & securitatem tradu-
ci: exinde faustis prosequi ominibus tàm se-
cundam Sereniss: fortunam. Cùm verò am-
pliora sint merita Principum, quàm optata hu-

manorum votorum: tantisper Principatum illum magno interuallo distitum, bona Regni fata retardarunt, vt Regem tantum Regno isti conseruarent. Sed non fati duntaxat, verum altioris cuiusdam consilij, ea mora in adeundo illo Principatu fuit: nè caritas patria, atq; hoc clarissimum Regni domicilium, hic cultus hominum, ista vitæ ciuilis comitas, vrbium amœnitas, ordinum splendor, horridiori posthabere-
tur nationi. Cum illis quidem populis præclare actum fuisset, si voluntati illorum, atq; plenis in optando tanto Principe amicissimi desiderij studijs, euentus secundus respondisset, nobiscū secus, qui tanto bono, & præsentī voluptate, eramus carituri. Quocirca manebit hæc Serenissimo ad omnem immortalitatem gloria, eum à potentissimo illo Imperio summè fuisse expetitum, sed nobis reseruatum: vt quantum posset, posset autem plurimum, tantum Patriæ suæ prodesset. Epaminondas ille magna virtute & bellica gloria insignis Imperator, opulentissimo Persarum Regi Artaxerxi, etiam si totius

tius mundi obtulisset Dominatum, de Patriæ caritate noluit concedere. Quid enim homines forent apibus deteriores, quibus natura impressit loci sui tuendi & ornandi desiderium: quarum nulla, suo neglecto & relictò alueo, in alium se confert, aut maiorem, aut fertiliorem, sed proprium auget: etiamsi regio sit frigidior, & pascua deteriora, & ros minor, etiamsi opus fiat maiori cum difficultate. Quòd si hanc animantibus etiam, inseruit natura occultam sui loci, in quo lucem primam, & spiritum hausissent, seruandi & tuendi cupiditatem; quid Principi cogitandum, qui est potissima, & prima Reipub. pars, qui est quasi nobilior anima, quæ tantum corpus mouet, spiritus vitalis, quem tot millia hominum trahunt, atq; vinculum quo Respub. cohæret, nihil per seipsam futura, nisi onus & præda, si mens illa subtrahatur. Præclarum eiusce rei dedit documentum sapientissimus Rex Vngariæ LVDOVICVS, qui cum à morte CASIMIRI à Proceribus Regni, omnium Ordinum cōsensu

sensu accerferetur, suorumq; popularium studiis, ad eam incenderetur dignitatem: censuit neque istos satis intelligere quid suadeant, neq; illos quid petant: si nec duobus gregibus ex re sit, vnum pastorem habere. Quapropter cum à nobis Serenissimum Dei providentia, quæ semper huic Regno præsidet clementissime, magno populi alterius ambitu, auelli non sineret, nos fruimur præsentis eius luce, cuius conspectu illi recreari optabant: eorum vota nostra sunt emolumenta: eorum expectatione in flore dilata, nobis fructus maturuit iucundè: quam illi fortitudinem in bellatore fortissimo admirati sunt, nos in Rege Serenissimo veneramur. Hic itaque fuit amplissimus locus, quo se tanti Regis apud externos expromeret fortitudo; ut eam victi etiam, in turbulentissimo suo tempore summa prosequerentur admiratione: rebusque suis, quas violentia Martis conuelleret, magnopere expeterent firmandis.

Hæc propagandis patriæ finibus, atque gloriæ producendæ, inuiecto animo suscepta pericula:

pericula: quantum verò seruandæ & tuendæ, salutis communi & hosti ferocissimo comprimendo, à Serenissimo insudatum sit, nulla vnquam ætas, nulla posteritas conticescet. Bellum atrox & formidolosum, ille nefarius Regnorum prædator Osmanus, huic florentissimo comparabat Regno, vt per latus nostrum orbem Christianum odio inextinguibili aggrediretur, vrbesq; populosas, aras, focos, flamma & ferro excinderet insolenter. Non alia verò causa, quam cruenta proferendæ suæ Tyrannidis cupiditate, ad eam impulsus amentiam, cum semper illi iisdem dominandi, qui gladiatorum & pilorum fines fuissent. Et cum non solum extremas Regni oras, quæ barbarorum gentibus attinguntur, numeroso latrocinio occuparet, & latè campos illos Thracijs castris distingueret; sed etiam se in viscera Regni crudelissimo barbarorum delectu infunderet, atq; vrbes positas in gremio Regni hostilem in modum vexaret, effringeret: in hoc vnum Serenissimus se impendit, vt totum Pontum arma-

C

tum,

tum, atque efferuescentem in nos Asiam, vel
ceruicibus suis interclusam sustineret. Onul-
lis vnquam temporibus abolendam ex homi-
num memoria patriæ conseruandæ gloriam, ô
nimis altè & ad immortalitatem nominis ex-
aggeratum animum, cum non tam Istri gurgi-
tibus, non præsidiorum multitudine, non ag-
gerum firmitate, quàm tanta Serenissimi vir-
tute, & nominis apud hostem terrore, ab ex-
trema interneccione muniremur. Non parsit
immodicis belli gerendi sumptibus, non aspe-
ritate viarum & difficultate, non anni tempe-
state incommodiore retardatus: quin sangui-
nis etiam prodigientia caritatem patriam testa-
retur: id temporis vel maxîmè cum Supremus
Exercituum Imperator, in ipsa cura, & medita-
tione sui muneris, excessit è vita. Perfecit Se-
renissimus lectissimorum militum inuicto ro-
bore, cum quo nobilissima ornamenta & colu-
mina Regni stetissent, vt non solum Patriam
calamitate funesta leuaret, sed etiam gloriosis
trophæis honestaret. Quæ vis ingenij, quæ
magni-

magnitudo obseruantiae tot tantisque beneficijs in Patriam atq; adeò Christianitatem, collatis respondere poterit? Cum mihi videatur tam formidoloso tempore, non vnus Regni, sed totius Christianitatis, nec vnus populi, quam commune omnium nationum susceptū fuisse patrocinium, nullā ingratae posteritatis obliuione prætereundum. Cùm metueremus varios & ancipites belli casus: Cùm patria Serenissimum, spem suam maximam, non sine anxietate dimitteret: cùm omnes omnium hominum conditiones fortunatum precarentur euentum; formidarent tamen ei Principi, in quo incolumitatem suam reclinatam meminissent; tam percussis omnium animis, nec dubius Mars per varios casus errauit, nec fortunæ vicissitudo, quæ plerumque lætis rebus aliquid aduersum adglutinat, victoriæ lætitiā funestauit. Compressit contumeliosos immanis Tyranni fastus, refrænauit consilio temeritatem: fortitudine audaciam, animi excelsitate insolentem ferociam; vt qui acies nostras vno

spiritu difflatum iri ambitiosè iactabat : qui cæ-
 narum suarum apparatus in castris nostris fero-
 citer instruebat, & helluationi immani sub ten-
 torijs Polonorum designabat locum ; cruore
 suo ebrius , cædibus suorum exsaturatus , pace
 priùs , quàm pactione sanguinis sui redemisset
 impetrata : semineces siccariorum greges atq̃;
 signa tabo suo fluentia , probro ingenti , & rei
 turpiter gestæ indignatione , ad lustra feralia
 trahebat. Comparatam tot gentibus & popu-
 lis salutem , constitutam pacem atq̃; otium do-
 mesticum , constabilitam Rempub. ingrata ali-
 qua obruet reticentia ? tàm popolare & plausi-
 bile factum non inscribet æternitati ? non tro-
 phæa ob seruatos Ciues immortalia, & patriam
 ex hostili seruitute vindicatam excitabit ? Nul-
 la est tàm amens futura posteritas, quæ scire no-
 lit , quo motu temporum , quanta conuersio-
 ne rerum , quâ perturbatione versaremur : nul-
 lus populus longinquitate loci ita dissitus , ad
 quem cõsequente etiam ætate hic nuncius non
 perferatur ; nos ab vltimo excidio fortitudine

Serenif-

ca. Serenissimi conseruatos. Et profectò nisi hoc
ro- perfugium diuinitùs tam deploratis & despe-
en- ratis rebus nostris adfuiſſet, vbi sunt vrbes po-
ore pulosissimæ, templa Diuorum religiosa, atque
ace hominum cætus florentissimus: his ornamen-
ſſet tis ferro & igne excisis, aliud nihil quam hor-
atq; rida vastitas, & mæſta quædam solitudo super-
rei fuiſſet. Sed quæ tandem potest res esse in vſu
alia militari posita, quæ tanti Regis scientiam fu-
pu- giat? aut quæ tam periculosa belli gerendi ra-
do- tio extitit, in qua eum non exercuerit fortuna
ali- Reipub. Exarsit inopinato graue & formido-
uſi- losum bellum in Prussia: atq; cùm eius impuni-
tro- tas per omnes agros, aratorum fortunas, & op-
am pida grassaretur, & fædiſſimis direptionibus
ul- omnia deformaret, etiam fortissima quæq; il-
no- lius Prouinciæ præſidia inuaſit. Interea ad op-
ſio- primendum in ipſo aditu periculum, non ſo-
ul- lùm lectiſſimi milites, ſed regiones Regni vni-
ad uerſi accurrunt, & cùm omnes, qui in ſalute
non Reipub. ſalutem ſuam repositam arbitrarentur
ine arma cæpiſſent; Serenissimus qui atauorum, &

proauorum suorum trophæa ex Prussis debellatis, gloriôsè delubris, sanctissimis affixa, atq; nobilissimarû Victoriarum vestigia, non prefusa ad exigui prædicationem temporis, sed relictâ ad omnem immortalitatem meminisset: præclara voluntatis suæ in Rempub. significatione, vel capitis sui dimicatione, publicis patriæ periculis subueniendum esse duxit. Et tametsi nihil relictum esset præstantissimi cuiusque virtute, belli cum dignitate & secundo euentu à nostris gerendi fama, vt Maiestas Regni integra conseruaretur, vis illa de præsidijs infessis, vrbibus, & agris deijceretur: tamen occulta quædam fortuna, victoriam remorata est, vt Serenissimo triumphos iustissimos, integram & solidam gloriam, vindicandæ illius prouinciæ deferret, atq; vniuerso Regno antiquam rerum animosè & fæliciter gerendarum restitueret dignitatem. Extorquenda breui ex hostili superbo dominatu ampla illa & munitissima præsidia: in quæ ab Imperio nostro distracta, nullo iure violentus possessor inuasit. Qua
propter

propter si præstanti fortitudine bellica, omnia quæcunq̃ sunt in Regno defendi & firmari putantur: si actiones eius magnoperè fortunis eomunibus tuendis & amplificandis fructuosæ: quarum immortalia exempla à Serenissimo in patriam profecta, luce clariora sunt; quis nō recognoscat suprema Dei optimi voluntate, dubijs formidolosisque Reipub. temporibus, ad omnes impetus & procellas impendentes auertendas, tantum Regem designatum & delectum, cuius fortitudo tot bellis confectis nota, communibus rebus contigit, ad pristinum statum sæliciter attollendis.

Verum difficile dictum est, an maiorem hostibus edomandis fortitudinem, quàm domesticis periculis sedandis prudentiam declararit. Viderat multis incommodis, difficultatibusq̃ Rempub. affectam, nihil æquè vt concordiam Ciuilem & domesticum otium desiderare: perspicuè intellexerat, plerasq̃ simultates in animis Ciuium increbrescere & propagari: quæ quasi semina forent, aut non leues scintillæ,

vnde

vnde domestici mali non mediocria incendia & con-
metuerentur. Idcirco prudentiæ summæ fu- tea
it, in primo introitu ac penè in faucibus, prohi- der
bere pestem illam, ad perniciem Reipub. dima- no
nare. Quid enim, si flamma illa quæ sub ob- qu
tentu religionis in venis ac visceribus Reipub. con
latebat, palàm erupisset, atq; studijs partium ta a
ad inuicem incensis, sacrosanctam legum au- tan
toritatem, libertatem, fortunas communes, nes
vitam deniq; omnium, non mediocribus inuol- &
ueret periculis? Neq; obscurum erat agresti- tio
um etiam armatorum vim & multitudinem sta
sollicitari, atq; cum terrorem liberis suffragijs int
opponi, vt ab excubijs limitaneis auulsi, quæ om
legibus & sententijs non possent, id metu ar- ho
morum obiecto extorquerent, neq; magis in dar
hostium ceruicibus, quàm iugulis liberorum del
hominum gladios hebetarent. Hæc aliaque liss
non parua incommoda, patriæ perturbandæ app
comparata, admirandâ Prudentia Serenissimus tan
inuestigauit, explorauit, sedauit: eius opera, glo
consilio, ex bellorum Ciuiliū vadis emerfisse,
& quasi

& quasi ex scrupulosis mutuarum offensionum
cotibus nobilissimum Regnum enauigasse, fa-
teamur est necesse. Et hæc sunt illustria Pru-
dentiae domesticæ documenta, nunquam in
nostrorum animis obliteranda, communi tran-
quillitati, sine vlllo delectu, sine vlllo tumultu
consuluisse. Illa verò quanto applausu, quan-
ta admiratione, omnium sermonibus frequen-
tantur, exterorum populorum vrbes, & regio-
nes adiisse, potentissimorum Regum animos
& studia, magna virtutum Regiarum æstima-
tione, sibi adiunxisse: vt quocunq; se Maie-
stas Regia dedisset, tametsi id à nemine vellet
intelligi, tamen coniectura quadam non dubiâ,
omnium animos incredibilis lætitia ob tanti
hospitis præsentiam perfundebat. Lux quæ-
dam maior diuinitatis oborta populis illis vi-
debatur: nullus locus erat quocunq; se intu-
lisset, qui non Maiestatem suam affari, atq;e
appetere videretur: nulla regio, quæ non bea-
tam se putaret, quod victorem acerrimi hostis
gloriosum, fortunæ communis propugnato-
rem,

rem, summâ complecteretur veneratione, vt ex eius gloria insignem ad se redundare sentiret voluptatem. Mirificum est illud, & commemorabile fortissimorum Belgij statuum, tantæ virtuti in oculis Regni datum testimonium, quod in obsidione Bredæ, inter exercitus armis instructissimos tantum Regem spectassent, cuius vita grauioribus multo bellorum periculis exercita iactataque fuisset: Cuius gloria tot victorijs & triumphis insignita, iam pridem nationum Regnorumque omnium admiratione effloruisset. Scilicet exemplo suo ostendit Serenissimus ad præclara pro Regno suscipienda & adeunda negotia, magno vsu, & diuturna experientia opus esse; qui sit Rex futurus, cui mandatum sit in infinitos homines imperium, qui sibi & patriæ consulere debeat, virtutem talem comprehensam habeat in animo, quæ facilè reliquas omnes antecellat. Et hæc prudentia est, cum sit optimi scientia, quæ efficit ne quisquam casu viuat, ne quid agat inconsultus, vt se ad præterita reflectat, præsentibus

tibus rectè vti sciat, futura cum animo expendat. Eius est momenta librare temporum, dictum omne factumque solerti cautella expensum habere: nosse quâ quisque sit lege, conditione, fœdere, tenere consuetudinem decernendi, nosse exempla multorum. Non est aditus ad huiusmodi res cuiusquam fortunæ aut potentiæ, non per ludum, aut iocum, sed labore, tolerantia, magno vitæ discrimine, itinerum difficultatibus talia conquirenda. Et cum legum, morum, consuetudinis, humanitatis exempla, disitis nationibus & Ciuitatibus varia data & dispertita sunt; quod suæ altitudini & fortunæ congruum erat, ita hinc Serenissimus sumpsit, vt non ab alijs tradita, sed cum prima ætate innata, infixa, & diuturno vsu corroborata esse videantur. Hinc grauitas iudicij, consilij, rerum agendarum magna experimenta, quæ magno labore & consuetudine longa, quæ sita sunt propterea, vt istis insignitus, paratior ad Regnum, meditatulusque accederet. Fidentiùs enim tractantur, quorum

factum est periculum: audentiùs itur quâ experimentum præmonstrat: nullus in agendo errori locus relinquitur, vbi prudentia facem attollit rationi. Quid quod illa quæ altissimam etiam rectè factorum gloriam non rarò attenuare solet, inuida maleuolentia, nihil luminibus virtutis excelsæ obstruxit, nec incitatum laudis cursum repressit, nec ascendere vnquam cò potuit, quò Diuina Regis Magni sublimitas suis nixa radicibus est progressa. Etenim nunc conuicta orbis propè totiùs testimonijs, tam splendidis legationibus confutata, gloriosis constricta triumphis, atq; hoc Maiestatis fulgore exanimata recognoscit, in hoc Regno Amplissimo, contumacem liuorem, contra veram & solidam gloriam nihil vnquam potuisse. Prudentiæ itaq; summæ fuit, domesticos motus, ad non exiguam aliquam calamitatem spectantes, in ipso aditu leniter coërcere; Nationum exterarum, potentissimorum Regum, animos & studia deuincire, ea quæ vsibus tantæ Maiestatis & Regno fæliciter administrando serui-

do seruirent peregrè conquirere, leuis fortunæ aduersitates, quæ non iudicio, sed casu agitur dissimulare, & virtuti toto orbe notissimæ, atque iudicijs bonorum potiùs, confidere, quàm vlla temeritate commoueri. Quis verò doctrinæ reconditoris magnitudinem, rerum maximarum multiplicem non admiretur comprehensionem? nec verbosam illam sapientiæ simulationem, sed tanto dignam Rege, solidam sapientiam magnoperè non veneretur? Multis quidem omnis thesaurus sciendi in lingua situs est, verborum magnifico & splendido apparatu instructus: verùm non ad cognitionem duntaxat, sed ad præclaras actiones rationem & fructum scientiæ referre, id demùm est, vnde non mediocris publicè vtilitas possit deriuari. Sapientiam fælicitatis vniuersæ parentem & altricem, qui rerum omnium expendunt momenta, rectè censuerunt; quod nimirum eius studio initiati, intelligunt ad quem finem, omnia ducenda sunt; vt eorum consilio, & persuasione prudenti, benè beatèq;

viuatur. Nonnè hoc ipsum Supremo Principi
 propositum est, quod intueri, & quò cursum
 suum dirigere debeat, vt non solùm ipse bea-
 tus sit, sed Rempub. quoque efficiat beatam?
 vt in maximis fluctibus, & turbinibus nauem
 Reipub. tractans, saluam in portu collocare
 possit? vt nè quisquam tam diuino præeunte
 moderatore, ad infælicem aliquem calamita-
 tis scopulum impingat. Proinde diuinum eius-
 modi hominem, communem in terris sospita-
 torem, maximarum artium studio & cognitio-
 ne excultum, vsu & exercitatione perpolitum
 esse oportet: vt quo habitu, eius ornatus ani-
 mus, & quibus copijs instructus sit, talem eum
 extra efferat, & repræsentet, necessitas conser-
 uandæ publicæ salutis. Nemo præter hunc
 formatus est in commune auxilium mortalita-
 tis, ille postquam fines virtutum & officiorum
 omnium dimensus est, quasi certa amulis recti
 & honesti habetur: ab hoc veluti consultissimo
 oraculo, salutaria petuntur omnibus populis
 responsa: nihil est, quod tantò autore & duce,
 homines

homines se consequi non sperent. Et cùm in rebus iudicandis non minimam partem, ad vnamquamque rem æstimandam rectè, momentoq; suo ponderandam sapientia Iudicis tenet; quem Diuina voluntas supremum & sanctissimum in terris Iuridicundo, & tuendæ æquitati fecisset Iudicem, contra pestem & perniciem, publicâ armasset autoritate; an non summa eum sapientia insignitum esse oportet, vt ne callida iuris interpretatione, ab eo quod fas & æquum est, se abduci & deflecti patiatur. Talibus præsidijs Serenissimus priusquam ad summum rerum humanarum fastigium euaderet, se communiit, cùm sciret omnem Reipub. rectè gerendæ rationem, in summa sapientia consistere. Vnde cùm nec fortuna tanta maius quidquam habeat, quàm vt possit, nec natura melius, quàm vt velit quàm plurimos iuuare & conseruare, ad tantam fortunæ amplitudinem, & naturæ facilitatem, maximus literarum splendor, altissima quorumuis scriptorum memoria accessit. Scilicet necesse erat, vt ille
qui

qui præfuturus esset Amplissimo Regno, cuius
 virtuti multorum committenda salus, inusita-
 ta quædam hominibus, ad fælicissimum regi-
 men, à Deo supremo nancisceretur adiumen-
 ta. Sed cum intelligeret, non posse Regnum
 sapienter & aptè ab vlllo gubernari, nisi se to-
 tum ad imitationem Regis illius summi atque
 sempiterni componat: ab auita religione, atq;
 accurato Numinis sanctissimi cultu inchoan-
 dum existimauit; Romam honorificè à San-
 ctissimo in terris Christi Vicario Urbano VIII.
 adiit inuítatus. Florebat tunc magna Princi-
 pum Christianorum frequentia, illud Christia-
 næ religionis perfugium & propugnaculum
 Roma, recluso cælestium beneficiorum the-
 sauro Anno Iubilæi Magni, implorandâ cælesti
 clementia, abolendis quantumuis maximis ho-
 minum erratis designato. Aderat præstò co-
 mitatu lectissimo Serenissimus, vt supremum
 à Christo in terris caput veneraretur, & rebus
 suis cælestem deposceret benignitatem. Quid
 ego prædicem quantò studio, quò plausu &

gratu-

gratulatione Roma vniuersa, Serenissimum propugnato-
rem Christianitatis, assertorem ex hoste religionis sanctissimæ acceperit? Cùm eum
intueretur, cuius celebritatem nominis, & rerum gestarum amplissimam gloriam, prius non
tenui fama didicisset, quàm præsentem aspexisset. Sed nihil æquè plausibile fuit, quàm
cum illustria & maxima omnis humanitatis, & affectus paterni indulgentissimi, tanto Regi
Sanctissimus declarasset indicia, quò magis hunc inuictum terrore & perfidia hostili ani-
mum, Religioni sanctissimæ & Patriæ obligaret. Cùm verò magnos bellatores, qui se cap-
tūque suum, pro templis arisque sacratis in hostium mucrones obiecissent, sacro ritu, verbis
religiosè conceptis, cælesti soleat communire & insignire armatura: eandem Serenissimo,
auspicatò, religiosè, sancto more, sanctissimis ceremonijs, antiquo & recepto ritu impertijt,
datis armis benedictionem. Insigne & in omni posteritate commemorandum illud spec-
taculum fuit, cùm Maximus Ecclesiæ Pastor

cælo proximum in terris caput, sacris altaribus
 assistens, vota pro Regno hoc Amplissimo &
 incolumitate Serenissimi nuncuparet, eumque
 qui se omnibus pro Christi hæreditate periculis
 deuouerat, hic Angelus Domini, quasi alterum
 Gedeonem, hortatu diuino, cælesti voce, am-
 pliùs in hostem animaret, atque inflammaret.
 Utq; non dubia agendorum ex hoste triumpho-
 rum duceretur fide, etiam cælesti veluti de-
 promptis armamentario, instruxit armis. Or-
 nauit diademate benedicto caput pro salute pu-
 blica telis hostilibus toties propositum, vt hoc,
 quasi galea salutis communium, animosiùs
 staret in periculis Ecclesiæ & Patriæ propulsan-
 dis. Vacuum vaginâ porrexit mucronem,
 cuius fulgore oculos improborum perstringe-
 ret, terrore extirparet flagitia, iniuriâ inno-
 centes prohiberet. Accinxit lateri subsidium
 belli & pacis oportunum, illustre tot victoria-
 rum monumentum, honorificum à Summo &
 Sanctissimo Ecclesiæ Pastore, religionis defen-
 sæ testimonium. Et quem vlla in memoria

Principem

Principem commemorare possumus, tot insignem trophæis, tanto plausu Christianitatis, tali Principis urbium Romæ gratulatione coonestatum? Profectò tam grauis & honorifica Sanctissimi de Serenissimo existimatio, tantum in eo amplissimè excipiendo studium, hic omnium bonorum interpret sensus, non aliud quiddam fuit, quàm indicium cæleste, & Diuina quædam præfagitio, ac prænunciustantæ in rebus humanis sublimitatis. Hæc itaque in Serenissimo sapientiæ & religionis consensio, hic admirandus virtutum Regiarum nexus, quasi Diuino aliquo denunciat oraculo, non tantum speciosum, sed etiam necessarium fuisse, nec ad præsentia modo, sed etiam ad futura momenta salutare, talem nobis Regem declarari: in quo luculenta spes sita sit, rebus Ecclesiæ & Patriæ in meliùs instaurandis.

Quod si magna vis, magnum momentum, positum est in Regis optimi fælicitate, ad amplitudinem & res magnas benè gerendas, ad conseruandam omnibusq; bonis cumulandam

patriam; quis vnquam eo fælicior, qui gradum
 nusquam extulit, quò non summa eum, con-
 secuta fuisset difficilibus pro Patria ad eundis
 negotijs fælicitas? quem non fortuita homi-
 num consensio, non repentinus alicuius fauo-
 ris euentus, sed vetus illa Regnatricis IAGEL-
 LONIÆ Domus prærogatiua, ad eam proue-
 xit Maiestatem. Illud inusitatæ cuiusdam fæ-
 licitatis fuit, cùm ex hominibus maximorum
 in Ecclesiam & Regnum istud meritorum pi-
 entissimus & fælicissimus Rex SIGISMVNDVS
 III. ad Diuorum beatam vitam excederet: com-
 migrationem factururus in cælum, vidit quem
 relinquebat gloriæ & factorum suorum in Re-
 gno imitorem. Nam posteaquam sanctè &
 religiosè ex hac mortalitate excessisset, in præ-
 sente Serenissimo omnium sensus, & cogita-
 tiones confederunt: erat in desiderio Reipub.
 & sermone omnium, ei deberi summum istum
 in Repub. honorem; qui vbi nascendo etiam
 Imperium meruisse videretur, illud tamē non-
 nisi magnis & diuturnis laboribus, & summis
 in patriam

in patriam studijs, quærendum esse existimauit. Porro admirandum illud Christianorum Principum studium, & totius Europæ, in designando tanto Rege consensum, quis vlla ætate, aut vlllo in Principe testimonijs eiusmodi prosequendo, vnico assensu omnium, voce vna, vnico totius orbis testimonio potest meminisse? Ferunt Mæcenatem Octauio Augusto autorem fuisse, vt quod ipse Imperium tot bellis defendisset, vindicasset, idem acciperet gubernandum, quòd aliter Romanam rem crederet, sustineri non posse. Tàm perspicua Regum Christianorum in Serenissimum voluntatis significatio, hæc pro eo ad Amplissimos Ordines postulatio, hæc grauissima exterarum nationum testimonia, quid aliud voluerunt, quàm vt eius fidei & fælicitati Regnum florentissimum permittatur, cuius opera, labore, industria, virtute hæc tenus fuisset sustentatum. Summus & Sanctissimus Ecclesiæ Princeps, in maxima hominum nobilissimorum luce & frequentia, cælesti oraculo toti Christianitati & Regno Po-

loniæ Serenissimum fore præsidium ac orna-
 mentum singulare edixit: & cùm perpenderet
 momenta omnium officiorum, causa Regni
 susceptorum; triumphales victorias, dignas
 Imperio virtutes extulit, atque tam splendi-
 do elogio, non vnius diei gratulationem, sed
 æternitatem immortalitatemque Serenissimo
 donauit. Diuina hæc fuit Regis optimi eligen-
 di denunciatio, cùm ab eo profecta esset, qui
 sibi cælestem in terris potestatem habet com-
 municatam. Eminentissimum purpuratorum
 PP. Collegium, Senatus ille Ecclesiæ Amplissi-
 mus, nihil reliquum fecit, quod ad dignitatem
 Serenissimi pertineret: valde quàm sublimi ho-
 nore, promerita Serenissimi apud Ordines no-
 bilissimos prosecutus. Ac primùm vulnus gra-
 uissimum, ex obitu Serenissimi SIGISMVNDI,
 spe futuræ communis fælicitatis, consolidat &
 obducit. Deinde renouandam Aquilæ victri-
 cis iuuentutem, regnante superbi Pharaonis
 domitore, & Christianæ Reipub. Protectore
 VLADISLAO grauissimè & sanctissimè polli-
 cetur.

cetur. Sacratissima Cæsarea Maiestas, non
vlllo cognationis tantæ fauore, nec Regia stir-
pe, nec adeò Sanctissimorum Maiorum (quæ
tamen per magna autoritate sint) quàm suis
meritis maximis, toto orbe celebratissimis Se-
renissimum Nepotem, iam pridem Amplissi-
mum hoc dignitatis fastigium meruisse iudica-
uit; neq; eam virtutem repudiari debere, quæ
sibi laboriosè gradus ad eam præstruxisset am-
plitudinem. Quid Potentissimus & Serenissi-
mus Hispaniarum Rex, cum animorum dis-
iunctiones, atq; Ciuiliū permetueret tempe-
statem dissensionum; Regali tamen prudentia
illud consecutus est, nimirum nihil posse ab eo
Regno secus statui, cuius fidem, consiliorum
grauitatem, sententiarum rectitudinem, ne-
mo vlla in re vnquam requisivit. Non aliud
Christianissimi Regis fuit in ea causa studium,
quàm vt luce palàm toti orbi testaretur cum
Poloniæ Amplissimo præficiendum Regno, qui
Diuorum Atauorum insignia facta, atq; heroi-
cas virtutes ad imperium amplificandum esset
allaturus:

allaturus: atque sanctissimi Parentis, non solum vultu regio, atque affatu benignissimo, sed etiam consilio, prudentia, felicitate gubernandi, ad posteros felicem memoriam referret. Verum ut communi totius Europae suffragio & assensu, congruentibusque votis, ad supremam in terris ascenderet Maiestatem: etiam nobilissimi ex Belgio status, exploratae in suis Prouincijs Serenissimi virtuti, & bellicae gloriae, plausibile & commemorandum, apud Reipub. testimonium praestiterunt. Satisne vobis multi & idonei testes, & conscij earum rerum, quas feliciter Serenissimus pro patria gessisset videntur? ad cuius nomen gloriosè ornandum, non tantum quibus ius suffragij & sententiae fuisset datum, sed Regna propè omnia, latius paulò quàm ratio vicinitatis postulabat excita, conuenerunt. Quae Diuina Christianorum Principum de Serenissimo iudicia, an non maximum ad nostram felicitatem faciunt momentum: quod is declaratus, & inauguratus sit Rex, quem non solum suffragia
Ciuum

Ciuium libera pridem poposcissent; sed etiam studia tot Principum, exterorum populorum decreta magnificētissima, quasi diuinitus ostendissent. An verò vllam oram tam desertam putatis, tam longinquum, & à communi hominum societate abiunctum locum, vbi non illius diei fama peruaferit, quò patenti & confertissimo campò, Senatus prudentissimus, equestris ordo nobilissimus, vnum sibi Sere-
niss: VLADISLAVM, ad tuendam libertatem communem, expetiuit & elegit? Quæ tùm iudicia, quis sensus remotissimarum etiam gentium, quæ expectatio populorum vicinorum, quis hostium terror, eo fæliciter designato, cuius alij fidem, & beneuolentiam, alij bellicis laboribus animum inuictum, perspicuè explorarunt. Non enim verisimile fuisset, ex summa rerum omnium desperatione, & metu maiorum impendentium, tantam subito nobis pacem & securitatem redditum iri: aut animum hostilem libidine prædandi innutritum, & impunitatis spe confirmatum, potuisse aliquo mo-

do refrenari : nisi admiratio tantarum virtutum, & felicitatis peruagata fama, anniuersarium hostem in officio continuisset ? Quid quod vrbes etiam, quæ à domestico & forensi latrocinio, non satis pacatæ sibi hæcenus videbantur ; interea summa quiete, & otio communi perfruerentur : itinera publica quæ antea obsiderentur, vt nemo se daret in viam, cui non fortunarum aut vitæ subeundum esset discrimen, vnius spe & nomine Serenissimi pacatissima effecta : cum effrenatæ licentiæ metus quidam iniectus esset, non alendam diutiùs impunè suam audaciam, sed modum euaganti statuendum improbitati. Vnde tantam inopinato, tam insperatam affulsisse nobis credamus tranquillitatem, existimatione duntaxat, nec dum voce & assensu declarato Rege Serenissimo, nisi Diuina quadam felicitate, quæ suæ Maiestatì, ad eam præiuit sublimitatem, & salutem populorum conseruandam. Et quidem in Repub. Romanorum vetere ad Censorum laudem pertinebat, si lustrum felix condidissent,

didissent, si agrorum vbertas horrea comple-
set, si vindemiæ fertilitas exuberasset, aut oli-
ueta larga fluxissent; bono enim fato Magistra-
tum illum Reipub. designatum, populari crede-
bant opinionione. Cur non maximam Regno
nostro optimo & Maximo Rege imperium ad-
eunte auguremur fælicitatem: Cuius faustissi-
mam tot indicijs suprema Dei bonitas præiuit
gubernationem? Cur rebus communibus hac-
tenus iniuria temporum lapsis, rursus in inte-
grum restituendis diffidamus; cùm planum sit
omnibus, non aliter quàm cælesti nutu, tan-
tùm Regem declaratum. Quid finitimi hostis
impetitiones metuamus? Cùm externos cona-
tus, qui remorari potuissent, aut differre Im-
perium Serenissimo, Regni fælicitas & bona
fata vicissent. Non alius enim Regi optimo
autor & Dux, ad suscipiendam & aggredien-
dam Regni moderationem extitit, quàm supre-
mus omnium moderator Deus. Quapropter
idem furentes, & violentos hostium conatus
amollietur, qui voluntates & studia liberi po-

puli ad Serenissimum inflexit. Sed neq; solum hominum, voluntates vt ne à tali Principe dissentirent adduxit: sed etiam ipsam rerum naturam, eius honoribus insignem & rarum in modum ornandis, fecisse videtur obsequentem. Nam cum plerumq; illud tempus, quod electioni datum erat, cæli & aëris paulò, horridiori permutatione, aut fædis imbribus, aut perfrigida tempestate omnia efficit acerbiora: interea cum grauissimæ illæ cælo aperto & patente campo haberentur cōsultationes; ita grata & non commutabilis clementioris cæli constitit tranquillitas, vt esset non ad publicam tantum necessitatem valdè quàm oportuna, sed etiam ad hilaritatem amænissima: & fidem faciat antiquam illam rebus communibus lucem, & tranquillitatem hoc Rege fælicissimo restitutum iri. Hic etiam limp'dissimus lucis perennis fons, mundi oculus sol, legem quandam sibi videbatur præfiniuisse, ne noceret ardentior: nunc certasse, ne Maiestati tantæ obscurior videretur. Posteaquam verò appetijt dies,

dies, quò consensu, & voce Reipub. vniuersæ denunciandus foret Serenissimus; cùm nebulis crassioribus, & caligine offusa promus iste lucis facūdissimus obtexeretur: vt afforet tanto Principi declarando, vt vocem illam congruentem Amplissimi Senatus & Nobilissimorum Ordinum præsens exciperet, cæcam & obsistentem caliginem eluctatus, clarissimè in oculis omnium effulsit. Quò pacto non dubiam omnibus spem iniecit, illustrandum amplius hoc Rege fælicissimo nomen Polonum, atq; ex turbulentissimis illis Reipub. temporibus, ex caligine horridiore exoptatam patriæ lucem exorituram. Quid enim lumen suum occuleret, aut iucundum obnuberet tenebris conspectum? immortalis testis laborum & periculorum Serenissimi? spectaret hostes patriæ grauissimos, virtute Serenissimi pulsos & fugatos, & amplissimæ isti virtuti ornandæ, præsentiam suam inuideret? Nobilissimus hic index & auspex Regum, non solùm ad discernenda & definienda tempora diuinitus constitutus,

sed etiam ad significationem aliquam, & præ-
 sagia de Principibus capienda, cælo affixus,
 Regiæ Maiestati defuisset? non pari studio, &
 officio voluntatem Dei supremam in declaran-
 do Rege fælicissimo prosequeretur: Diffulsit
 ergo clarissimè, dissipauit officientes lumini
 nubeculas, vt ostenderet Serenissimum frustra
 fortuna & inuidia obnitente, ad summum re-
 rum humanarum fastigium euasisse. Tantùm
 oppositæ veræ virtuti voluntates officiunt,
 quantùm soli atræ nubes còactæ, cuius amæ-
 nissimum lumen ad tempus differri potest, ex-
 tingui non potest: vbi nitidissimum mundo
 exerit caput, leues illæ vmbrae, in auras & te-
 nues abeunt ventos. Diluxit iucundissimè, vt
 luce palàm testaretur victorem, hostium pa-
 triæ communium: vt Serenissimo Regna &
 Prouincias plures ex hoste fæliciter obtinendas
 denunciaret: atque eam dignitatem gratulare-
 tur, qua nihil ad nitorem pulchrius, ad altitu-
 dinem magnificentiùs habetur. Lumen est suæ
 gentis clarissimum; quid lumini foret cum te-
 nebris?

nebris? splendor est totius Christianitatis; quid
cælo inamænior, tam diffusa & per omnes po-
pulos propagata gloria, inobscuraretur! Certis
aliquando cancellis non nemini definitus &
circumscriptus in terra sol, atq; ter in sinum
haustus, Regnum Macedonia voto non ambi-
guo neq; erronea pollicebatur expectatione;
apertissimo campo, atq; cælo fulgentissimo,
dissipatis & fugatis, quæ obsistebant lumini
suo inuolucris, pulcherrimè ad speciẽ exoriens
nihil portendat? Equidem fælicissimè denun-
ciat victorias, gloriam, fælicitatem Serenissi-
mi, non his quibus sol aut Oceanus terminis,
definiendam, sed cum immortalitate adæquan-
dam: ostendit Regem, qui omnes sublimi de-
uinciat autoritate; declarat Patrem patriæ, qui
sibi subiectos populos, multiplici comprehen-
dat beneficentia: cuius siue Prudentiam spe-
ctes, summa, siue famam, celebratissima, siue
hominum studia, hæc in eum inclinatissima
sunt; qui velut fulgentissimus sol inualescenti-
bus rerum omnium tenebris, magnoperè ex-
petitus

petitus illuxit. Insuper effulsit, vt denuncia-
ret tranquillum Serenissimo dominante futu-
rum Regnum: Cùm non alia est species quieti
& moderati Imperij, quàm sereni cæli, & iu-
cundè in oculis hominum splendentis. Quid
cùm sacrosancto iusiurando Ecclesiæ & Patriæ
Serenissimus se adstringeret; quanta interea po-
puli ad eam rem spectandam, & beneficum Re-
gem consultandum confertissimi, hilaritas la-
chrymatione permista? quæ lachrymæ pietatis
& gratitudinis indices fuerunt, non doloris.
Insignis ille belli & pacis artibus florentissimus
in Repub. Romana Cato, in tantum studia suo-
rum ciuium, atque omnium Ordinum deuin-
xerat, vt cùm stipendijs confectis ex Macedo-
nia reuertisset in urbem, omnes omnium ho-
minum conditiones & status, non votis eum
& præconijs tantum, sed etiam lachrymis &
complexibus profecuti: vestes etiam pedibus
eius, quâ pergeret substernentes, & manus
deosculantes. Erepto ex hostibus Minutio, atq;
suis reddito militibus, in tantam lætitiā ca-
stra

stra effusa sunt, vt præ gaudio lachrymis temperare non potuissent, Posteaquàm fama fælicissimè diuulgasset, Serenissimum congruentibus Amplissimorum Ordinum studijs Electum & renunciatum; omnes quicunq; hoc Regno continentur status, lætanti animo, & spe benignioris fortunæ cōfirmati, vocem & lachrymas non potuerunt continere. Cùm audirent eum in solio auito sessurum, cuius officia summa in Rempub. constitissent: cui neq; sedulitas in consilijs de Regno capiendis, neq; in periculis à Regno propulsandis animus; neq; pro Regni commodis augendis, voluntas vnquam defuisset.

Quamobrem cùm Serenissimo & Proauorum ac Parentum sanctissimorum, & anteaكتورum eius operum memoria gloriosè suffragata est: si talis tantusq; Rex, supremum istum & Diuinum in terris honorem auspicatò adiit, de cuius virtutibus sanctissima apud omnes homines sit existimatio: qui iucunda diuturna; nominis sui, & victoriarum, non solùm domi

suæ, sed etiam apud Potentissimos Reges, longinquissimas nationes defixit monumenta: si in eius Fortitudine, Prudentia, Sapientia, rerum agendarum fælicitate, præsidium Ecclesiæ, & patriæ ac fortunis communibus est constitutum; magna spe, & iam multis modis explorata credulitate inducimur, patriam amplissimam, hoc & Florentissimum Regnum, eius inclyta fide, & Regali clementia, non solum ex consuetudine incommodorum, sed etiam assiduitate molestiarum vindicandum. Incredibilem animorum alacritatem, & lætitiâ Macedones publicè testati sunt, cum Magnus Alexander apud eos rerum potitus esset, quod eo felicissimè gubernante, belli & pacis artes eximiæ florentes erant futuræ: Siquidem illis eiusce-
modi testis & spectator contigerat, qui ut optimè existimare de operis elegantia: ita maximè posset munificè remunerari. Cur non omnibus modis gestiamus, & patriæ consentiente studio gratulemur, quod talis Rex diuinitus nobis esset declaratus, qui ita maximus est ut optimus
simul

simul habeatur, qui ea est rerum magnarum intelligentia, ea sapientia, ea dexteritate, vt tam felicissimo dominatu, omnia sint ad veterem illam fortunam, & antiquum splendorem in Regno reuocanda. Equidem hoc ipsum Patrię de Regis Serenissimi fælicitate, & clementia, Iudicium & consensus Principis populi, insignis beneuolentię Regum potentissimorum significatio, nobilissimarum nationum testimonia honorifica prolixè pollicentur. Et profectò patria, si vt est sensu in tantis recognoscendis beneficijs non hebeti, ita voce eorum magnitudinem posset adæquare, cùm ad complectendum Serenissimum Regem accurrit, non aliter profectò loqueretur: quàm verò fælicissimam nunc rem suam fore, quod in eius fide, Maiestate, autoritate conquietura sit, cuius perpetuis præsidijs, custodijs, vigilijsq; hæctenus esset munita. Nec dubitare se, cùm Serenissimo, tanti pro re communi labores, sua sponte & caritate patria suscepti, iucundi fuissent; nunc iam sacrosancto iusiurando, & tantę Maiestatis of-

ficio, & conditione fore longè multò gratiores. Intelligit perspicuè Serenissimum, cum ante hac summa necessitudine sibi obstringeretur, officij verò necessitate, ad tam insignes res gerendas non impelleretur; tamen assidua fortunæ communis cura continebatur; nunc sibi plurimum bonorum expectandum esse, cum tam sublimè munus, voluntate nobilissimorum Ordinum suscepisset. Sentit non iniuria de eius Regijs virtutibus apud omnes populos existimationem habitam sanctissimè, quòd Diuorum Regum, quorum hactenus conseruata promeritis florentissimè stetit, iucundam in seipso recordationem & Protectionem sit expressurus. Et tametsi factis eius clarissimis, vox data est, & fama gloriosissima, vt se ipsas ad omnem immortalitatem, sine cuiusquam producant præconio: plurimum tamen habet momenti apud Ordines Amplissimos, de maximis promeritis, & rebus gloriosè gestis persuasio. Validissimus & diuinissimus hic amor est, quem Regnum vniuersum, & subiecti populi, erga vnum aliquem
ob virtu-

ob virtutem eius concipiunt. Habes Serenissime (Patria inquit) sufficientem gloriam, & fidem tot periculis cognitam, ad ducendos quolibet tuorum Ciuium animos, qui non magis bellica tessera, quàm perpetuo & hereditario Regum suorum studio, & affectu, etiam victoriæ & laudis cupiditate, vel ad mortem ipsam animantur magis, quàm tubarum sono. Et cum, Te maxima tot triumphorum gloria orbi vniuerso didita admirandum fecisset, cum belli & pacis artibus florentissimus sis, ad immensam hanc rerum fælicissimè ubiq; gestarum cumulus accedat extremus, Academia Cracoui-
eñ Regia Clementia conseruandæ. Quæ cum Tuæ Prudentiæ & Sapientiæ meminuit, hac se vnica sustentat spe: hæc habet vel maxima in calamitate solatia, quòd Tuæ Maiestati semper supplex & fidelis fuisset, quòd nomen tantum in Te, & in sanctissimo Proauo Tuo VLADISLAO IAGELLONE sanctè & religiosè coluisset. Patere Serenissime Rex, vt quod Diuo IAGELLONI benefica voluntas, aut or-

nandæ patriæ necessitas suasit, Tibi pietas in
supplices, literarum amor, & tuendi sanctissi-
mi VLADISLAORVM nominis persuadeat au-
toritas. Sit hoc inter maxima sanctissimi Proavi
Tui in Regno isto collocata monimenta, vel
vnicum pignus caritatis in Patriam, vt cum il-
le armis & militari gloria Regnum illustrasset,
etiam literarum cultu, volebat esse insignitum.
Conserua huic Regno quantumcunq; istud sit
literarum domicilium, quod fontem omnis
eruditionis & virtutis perennem, gemmam pre-
ciosam, Vniuersitatis Parisien̄ filiam, sanctissi-
mus VLADISLAVS esse voluisset. Cuius ea
fuit in literas pietas, quod grauissimo, & for-
midolosissimo bello, dum altera propè porta
hostis in Regnum se infunderet, altera Opt: &
Max: Rex, ornamenta hæc literarum induxit,
vt eo ipso tempore, ex hostium oppressa auda-
cia, & immani barbarie triumpharet. Nè pa-
tiare Sapientissime Rex, hanc pacem, hanc tran-
quillitatem, cum Deus hostes tuos & patriæ su-
stulisset, illo bello acerbiorẽ videri. Sed cum
victricem

victricem manum, tot triumphis nobilitatam
vniuerso Regno & Prussiæ hostili perfidia oc-
cupatæ porrecturus sis, eandem Academiæ,
quæ similem quandam fortunæ commutatio-
nem & varietatem, non solùm cùm ea prouin-
cia, sed cum toto Regno habet, porrige salu-
tarem. Tendit ad Te istas manus Tua Acade-
mia, quas solennibus sacrificijs trimestri inter-
posito interuallo, pro successu Regni, atq; Ordi-
num Amplissimorum, religiosissimo ritu, suis
fidelissimo & gratissimo animo recensendis be-
nefactoribus, suorum hominum & iuuentutis
nobilissimæ frequentia imperata, ad Deum sup-
plices tendit; & Serenissimis Regibus in singu-
los dies raro & imitando exemplo, prosperita-
tem, sapientiam, & de hostibus victoriam, cæ-
litùs implorat. Tàm longinquâ ætate, modicis
& angustis impensis laboratum est hic, eò in-
genio quòd naturæ atq; cælo, ea pietate quam
patriæ & officio, ea fide, quam parentibus, pi-
gnoribus eorum educandis quisq; deberet: vt
exotica studia, non tàm sciēdi necessitate, quàm
videndi

videndi cupiditate, sumptu immodico, sed val-
dè quam tenui fructu, semper quærerentur.
Quod reliquum est cùm supremam tecum in-
terris potestatem Deus Optimus partitus fit, il-
le maxima pro communi salute, atq; Ecclesiæ &
patriæ felicissimo statu, suscipiēda negotia, euē-
tu prosequatur secundo. Vt cùm naturæ satis,
gloriæ satis vixeris, & patriam quæ exterorum
violentia armorum, & impietatis machinis op-
pugnatur, tot fluctibus & naufragijs conserva-
tam, incolumem in portu collocaris; tantorum
plenus meritorum, æuo beato gloriosus per-
fruaris. Hoc Patria, hoc omnes boni, hoc
exterorum populorum in Te & Regnum
hoc summa studia, enixè vouent
& precantur.

C R A C O V I Æ,

*In Officina Typographica Francisci Cesarij,
Anno Domini, 1633.*

val-
tur,
in-
, il-
æ&
eue-
tis;
um
op-
um
um
per-
c

